

26.6.1981.

Setapak lagi kukuhkan maruah Melayu

KUALA LUMPUR, Khamis — Naib Presiden UMNO, Tengku Razaleigh Hamzah menamatkan projek pembinaan Kompleks UMNO Malaysia sebagai setapak lagi langkah konkrit ke arah memperkukuh maruah UMNO dan orang Melayu.

"Peristiwa meletak batu asas kompleks itu petang ini besar maknanya kepada kita semua. Secara konkrit kita telah melangkah setapak lagi ke arah memperkukuh maruah UMNO dan orang Melayu," katanya.

Beliau yang juga Menteri Kewangan menyatakan, kita sedar di masa-masa lalu, kita terpaksa menyewa tempat orang lain setiap kali kita berhimpun.

Tengku Razaleigh berucap selaku Pengerusi Jawatankuasa Bangunan UMNO, di upacara meletakkan batu asas Kompleks UMNO itu oleh Perdana Menteri, Datuk Hussein Onn, di Jalan Tun Dr. Ismail, di sini petang ini.

Bekas Perdana Menteri Tunku Abdul Rahman Putra diberi penghormatan menepung tawarnya.

Tengku Razaleigh menegaskan, tujuan UMNO membina bangunan besar dan mahal itu bukan untuk berbesar hati atau menandingi bangunan-bangunan lain, tetapi untuk mendapat faedah yang maksima supaya pendapatan daripadanya dapat membanu segala kegiatan UMNO yang semakin meningkat.

Beliau berharap, kompleks impian setiap ahli UMNO itu akan dapat disiapkan mengikut jadual pada awal tahun 1985, di bawah bimbingan dan pimpinan bakal Presiden UMNO yang baru, Datuk Seri Dr. Mahathir Mohamad.

Bahan asal dari Arkib
Negara Malaysia